

帝祖萬年金鑑錄

帝祖萬年金鑑錄序

治天下以道而天

而已自古堯舜禹湯文武及我

太祖

太宗以道治天下者也兩漢而下至宋元以智力把
天下者也智力把持天下者其於人草面而不能
心其於世小康而不能大治其於國祚也天促而
能悠久非苟而何惟帝王惟

祖宗之治本于道道則具于人心而上原于天

丁訓道存天不變道亦不變

幾代哲人
民庸世道隆圖作

一世二世以至千萬世可行而有天下者所當龜
也雖然道固不變而法則仁人不能無弊於是
世長民其厭常喜新鑿智自私者往往摘其弊以
祖宗之法不善妄肆更張於其間然後去道日遠
心日離國因以斃者前後相望可勝嘆哉故臣愚
不自量歷考前古帝王暨我

祖宗全盛之時謹采其所以為治之大要萃為一編
曰金鑑錄以為

聖天子獻其諸三代而下若漢高祖唐太宗宋太祖
宗為治非無一善之可取一德之可師然其心不
乎道非所以望吾君也乃稽首頓首僭序其首曰所

謂道者人所共由之路事所當爲之理盈天地亘古
今之所不能違而毫髮湏臾之不可隄者也然高不
可抗卑不可踰行焉不著習焉未察賢知者統以爲
易而過之愚不肖者視以爲難而不及焉是以中世
爲治者莫不各隨其知慮之所到才力之所能制爲
法度見於施爲因陋就簡而上不聞大道之要修創
補隙而下不被至治之澤臣曰苟焉而已者此也惟
聖人擇之精守之固建其有極與民田之民則日出
夕息含哺鼓腹以安其生不知帝力之何有此帝
祖宗之治所以爲大而後世之所當鑑也然天下以道
而治道以人而行是故堯行其道而治失知不行於

丹朱也舉舜而行之舜行其道而治矣知不行於
均也舉禹而行之堯舜之所以道而不在天下所
愛者天下而不在子孫至禹則不然以傳其子而後
世遂以爲久計孟子曰天與予理或然也然承之不
以道則天亦弗與也然則爲子孫者可不以祖宗爲
鑑哉且以三代言之夏傳至桀不鑒于禹而湯放之
殷傳至紂不鑒于湯而武王伐之周傳至幽不鑒于
文武而秦滅之其中若太康孔甲癸巳武乙諸厲不
鑒而中微若少康大戊武丁周宣克鑒而中興此臣
金鑑錄之所因作也大抵人君賢否之趨世道治亂
之源國祚存亡之機其肇有二焉人心道心而已曰

聖德曰正學曰敬天曰勤民曰戒慾曰崇儒曰用賢
曰節儉原于性命之正者道心也賢君務之曰暴虐
曰剛愎曰凶傲曰遊畋曰淫逸曰奢侈曰沉湎生于
形氣之私者人心也昏君樂之出于此則入于彼矣
彼昏庸之君非不欲長保富貴久延國祚而傳之子
孫也惟其有欲并其所大欲者亡之賢君無欲故能
全其所大欲是故無所欲而治有所欲而亂無所欲
而興有所欲而亡有若數計燭照炳然而不可易者
夫堯之授舜舜之授禹丁寧告戒不過曰人心惟危
道心惟微惟精惟一允執厥中亦惟謹此二者而已
然則嗣服之主撫有蓋成之運可不深以為鑒決去

人欲之危遷就大理之安長保天子之貴四海之富而壽至恭熙洪號于無窮也哉此正惡以爲帝王之道

祖宗之法非止一世二世雖千萬世而必可行

聖子神孫繼繼繩繩所當必鑑而不可失故敬名之曰帝祖萬年金鑑錄帝王

祖宗而稱帝

祖者倣魯史具四時而目之春秋者篇文也敬惟此編臣所陳者天德之體也未及王道之用出治之源也未及施爲之方豈敢故冒有體無用教不遺末之戒哉竊以人君之所當務而怠者如此而已聞之孟軻曰

人不足與適也政不足間也惟大人為能格君心之
非君仁莫不仁君義莫不義君正莫不正一正君而
國定矣臣雖愚敢以爲法

正德元年三月順天府通判臣汪循稽首謹序

帝祖萬年金鑑錄目錄

卷之上

聖德

至孝

正學

法祖

敬天

憂患

戒欲

節儉

卷之中

勤政

仁民

命官

求賢

崇儒

求言

納諫

養之下

禮樂

賞罰

訓兵

命將
馭夷
內助

帝祖萬年金鑑錄卷之一

聖德

唐堯放勳欽明文思安安允恭克讓光被四表格于上
下克明俊德以親九族巍巍乎唯天為大唯堯則之
蕩蕩乎民無能名焉其仁如天其知如神富而不驕
貴而不侈

虞舜重華惻于帝濬哲文明溫恭允塞玄德升聞帝德
罔愆臨下以簡御衆以寬好問而好察通言心惡而
揚善執其兩端用其中於民善與人同舍己從人樂
取諸人以為善

夏禹敏給克勤其德不違其仁可親其言可信聲為皐

身為度

商湯克寬克仁彰信兆民懋昭大德建中于民以義制
事以禮制心肇脩人紀從諫弗咈先民時若居上克
明爲下克忠與人不求備檢身若不及執中一賢無
方

文王若日月之照臨光于四方顯于西土克明德慎罰
不敢侮鰥寡庸庸祗祗威威顯民穆穆文王於緝熙
敬止視民如傷望道而未之見

武王不遠邇不忘遠能以繼先王之德而配三后于京
故詩人美之曰王配于京世德作求永言配命成王
之孚成王之孚下土之式永言孝思孝思維則

太祖高皇帝生而神明即位以來昧爽臨朝日晏忘食
虛心清問從善如流初謀虜所昭見萬里退朝之暇
即延接儒生講論經典取古帝王嘉言善行書寘殿
廡出入省覲拜後靡絕游幸卻異味罷膳樂泊然無
所好敦行儉朴以身為天下先嘗自言平日持身之
道無優伶近狎之失無酣歌夜飲之歡正宮無自縱
之權妃嬪無寵妾之專幸

太宗文皇帝外嚴內仁而雄材大略條理精密人善
任使推誠待下凡所委用非漫濶所能間諂諛之人
終見踈斥矜過諉略小罪不以私愛蔽大惡聽言之
際明睿所照不啻其盡洞底蘊臨機剛果裁制大

事數語而決與下人言開以寫誠表衷明白蓋唐虞
三代以來若漢之高帝世祖唐之文皇宋之太祖其
寬仁大度聰明文武閭遠之規乾剛之用帝皆無而
有之

臣按自古帝王必有聖德而後可以爲天下民物
之主書曰惟德動天無遠弗届又曰德日新萬邦
惟懷志自滿九族乃離人心所嚮天命所歸未有
不在於德者也觀二帝三王之於古我

高祖

太宗之於今可見矣伏惟

陛下首登大寶下明詔歛勲戚抑權倖節冗食縮浮費

抑貢獻省輸運罷濫設之官停不急之務施舍已
責無非逮鰥寡而救困乏之事守成憲遵舊章舉
賢以求直言無非格廢禁以品維新之治凡此皆
盛德之事中外臣民交騰並躍以爲

高祖

太宗之聖復立于今日而二帝三王之治不得專美于
古矣書曰非知之艱行之惟艱詩曰靡不有初鮮
克有終臣恐

陛下言之而憚于行行之而不能久雖有至德之心而
民不被至治之澤甚矣

王言如絲其出如綸天下耳目所屬不可忽也臣願

陛下端此心于深宮獨行之時持此德于尸居龍見之日反觀內照其於念慮之萌發動之幾必謹而察之果天理邪則敬以充之而不使少有壅閼果人欲邪則敬以克之而不使少有蒙蔽推而一於處事接物之間用人理財之際無不以是莊之則至善日遷聖德日崇聖心洞然內外融徹而無一毫私欲介乎其間然後行一令也聖如金石出一政也信如四時摧悖不得以售其奸惡戚不得以怙其寵奉行

詔旨者如神明如雷霆捷於桴鼓影響矣夫然天下不治百姓不安國祚不長未之有也

至孝

舜父瞽瞍感於後妻而愛少子象常欲殺舜舜避逃有
小過則受罪順事父及後母與弟篤謹匪懈其後舜
踐帝位載天子旌旗朝瞽瞍夔夔齊克盡子道
文王爲世子朝於王季日三鵠初鳴衣服至於宮門外
問內豎之御者曰今日安否何如內豎曰安文王乃
喜及日中又至亦如之及莫又至亦如之其有不安
節內豎以告文王文王色憂行不能正履王子履膳
然後亦復初食上必在視寒燠之節食下問所膳命
膳宰曰末有原應曰諾然後退

武王事文王也文王有疾武王不脫冠帶而養文王一

飯亦一飯文王、飯亦再飯

太祖皇帝詣廟祭畢退御便殿泣下不止復命

懿文太子及諸王往鳳陽祭

皇陵臨遣惻然命之曰吾祖宗去世既遠吾父、又相繼早亡每念勛勞鞠育之恩惟有感痛而已今日雖尊為天子富有四海欲致敬意孝為一日之奉不可得矣哀慕之情昊天罔極今鳳陽陵寢所在特命爾等躬詣致祭以代朕行孔子曰事死如事生事亡如事存爾等敬之因悲咽不自勝父子諸王皆感泣

太宗皇帝將詣

孝陵有司請具法駕

上曰不用但以駢士數人前導已而顧侍臣曰明日

皇考升遐之日正屬感慕之時何用法駕非爲辟除道路前導駢士亦可不用一日

御右順門永春侯王寧侍側論及

太祖時事感然泣容寧曰世人竭誠誦經飯僧念佛可以福利先親默然不答既而論之曰爲庶人能繼而家業不失墜或又能擴充增益於前可以爲孝士居官食祿能持身循理建立功業榮親於當時名於後日可以爲孝天子以四海爲家能思天位者親之所傳大業者親之所建天下生民親之所保而敬以奉天勤以守業仁以聽思以萬物得所四夷咸賓光

昭祖宗傳之子孫可以爲宗何必事佛乃爲孝乎既而後曰元季天下鼎沸生民塗炭父母妻子不相保我

皇考

天命戡定禍亂立綱陳紀使強不敢凌弱衆不敢暴寡天下晏然有莫大之功德則必享莫大之福矣豈也福之所能及也寧慚而退

臣按舜之孝處乎變也文武之意處乎常也處乎常者順而易處乎變者逆而難大抵孝子之於親務有以得其心而順其志而已孟子曰不得乎親不可以爲人不順乎親不可以爲子是故父母之

所愛者亦愛之父母之所敬者亦敬之舜之愛弟
父母之所愛者也父母之所愛者雖至於殺已而
不怨刺之有庠親愛之富貴之以終其身雖父母
沒不衰此舜之孝處變而不失其常自古帝王稱
爲大孝也不亦宜哉臣願

陛下法舜文王之孝權常變之宜守

先帝遺志以事兩宮法

祖宗之孝勤歲時之思保

先帝鴻業而絕佛事聖孝之大無逾于此至於父母之

喪其制見于經者堯帝如喪考妣高宗居于諒陰

皆言三年是知三十之意自唐虞三代未有改者

降自春秋此禮遂廢然其間人君賢否不齊或行
或輟而其良心猶或歎服亦有敢遽然短喪以爲
制也自漢文率意廢古始爲易月之說後世藉而
因之君子以爲萬世之罪人也仰惟

先帝居

大皇之喪臨朝恒戚容木服色不朝質不宴樂隱然終
三年之制外廷如是則內宮衰絰以守先王之禮
可知矣惟

陛下取法損而行之以復帝王之舊而爲後世之師此
又見聖明之君度越千古而出于尋常萬萬也

正學

帝舜曰來爲人心惟危道心惟微惟精惟一允執厥中
禹曰都帝堯乃在位帝曰俞禹曰安汝止惟幾惟康其
弼直惟動丕應後志以昭受上帝天其申命用休

高宗命傅說曰米汝說台小子舊學于年盤既乃遷于
荒野入宅于河自河徂亳暨厥終罔顯爾惟訓朕志
爾文修予罔予棄予惟克邁乃訓說曰王人求多聞
時惟建事學于古訓乃有獲事不師古以克永世匪
說攸聞惟學遜志務時攸厥修乃果允懷于道積
于厥躬惟敷學半念終始典于學厥德修罔覺

武王召師尚父太公望問曰昔黃帝顓頊之道存乎師

尚父曰在冊書王欲陳之則齊矣王齋三日王端冕

師尚父亦端冕奉書乃入進書之言曰敬勝怠者吉
怠勝敬者滅義勝欲者從欲勝義者凶九事不彊則
枉弗敬則不正枉者滅廢敬者萬世王聞書之言惕
若恐懼退而爲戒書於席之四端爲銘焉王于箕
子曰於乎箕子惟天陰陽下民相協厥居我不知其
莫論攸叙箕子乃言曰我聞在昔鯀陞洪水汨陳其
五行帝乃震怒不畀洪範九疇彝倫攸叙鯀則殛死
禹乃嗣興天乃錫禹洪範九疇彝倫攸叙

太祖皇帝命有司訪求古今書籍藏之秘府以資覽閱
因謂侍臣曰吾每於宮中無事輒取孔子之言觀之
如節用而愛人使民以時真治國之良規萬世之師

法也新城內殿成命博士熊昂編類古人行事可爲
鑒戒者書于屏間又命儒臣著大學衍義於兩廡曰
前代宮室多施繪畫于用此以備朝夕觀覽豈不愈
於丹青乎又謂翰林侍讀詹同曰古人爲文章或以
明道德或以通當世之務如典謨之言皆明白易知
無深怪險僻之語至如諸葛孔明出師表亦何嘗雕
刻爲文而誠意溢出至今使人誦之自然忠義感激
近世文士不究道德之本不達當世之務有雖艱
深意實淺過即使過相如揚雄何裨實用自今翰林
爲文但取通道理明世務無事浮藻嘗命儒臣書洪
範揭於御座之右朝夕觀覽乃自爲註既成乃召贊

善別三吾曰朕觀洪範一篇帝王爲治之要道也所以叙彝倫立皇極保萬民序四時成百穀本於天道而驗於人事箕子爲武王陳之武王猶自謙曰五帝之道我未能爲朕每爲惕然遠疏其旨爲註朝夕省覽三吾對曰

陛下留心是書上明聖道下福生民爲萬世開太平者也

臣按帝王之學上繼道統之傳近承

祖宗之緒爲生民造福澤爲後世開太平所係至大而其道即古昔帝王其所已行之迹今不可見而其言則散在方冊條理可尋善學者即其言反求于

心而實踐于身而已矣。豈暇尋章摘句數墨循行
疲役精神於文字之間也哉。觀舜之授禹不過曰
人心惟危，道心惟微，惟精惟一，允執厥中。太公之
告武王亦不過曰：敬勝怠者吉，怠勝敬者滅。義勝
欲者從，欲勝義者凶。曰：敬曰義，即所謂道心也。曰
怠曰欲，即所謂人心也。吉從者微之微，凶滅者危
之著。自古國家存亡之幾，治亂之源，實判於此。為人
君者必也居敬以立其本，窮理以致其知，自觀內
視何者？為道心何者？為人心。精以察之而不察一
以守之而不移，然後允執其中，以酬酢萬事，統御
萬民，綜理萬國，何所不周而不當，何所往而不宜哉。

至於洪範者上天錫之書箕子即之以貫諸
學者上古教人之法真德秀因之以衍義是皆原于
天道合于人心驗于人事推本帝王之意教演聖
賢之言以爲治天下之法度也細閱其言道若大
而其小理若微而甚著窮若難而甚易效若遠而
甚近何也原于天合于心者也吾心一存則百體
從命辟之機發而矢自躍風行而草自偃天下之
人皆同此心而原于天者也如水之就下如獸之
走坡誰能禦之哉此心學之微而致王道之大承
道統之傳者也三代而下此學不明治不復古惟
唐太宗留情經術大召名儒置弘文館於殿側

引內學士更番入宿聽朝之暇與討古今論成敗
或日晏夜艾未嘗少怠宋仁宗妙選名儒環侍經
幄延訪從容夜直禁中不時召對二君者學有可
觀治亦近古但于帝王心學槩未之聞不願

陛下效也臣願

陛下以大禹謨丹書之辭書于席之四端以師武王以
洪範衍義之辭書于兩廡壁間以法

聖祖退則朝夕觀覽沈潛其辭而紬繹其義出則親禮
儒臣討論其故而斟酌其宜必使合于人情宜于
土俗然後付于柄臣布之有司行之天下民受其
惠矣帝王之學如斯而已舍此而務爲詞章爲筆

札為典範之學前代人君有習之成名而適足以
忘其國者非正學也臣願

陛下視以為戒

法祖

盤庚遷都于殷大家世族安土重遷胥動浮言小民眩
於利害亦不欲徙盤庚乃告諭諸侯大臣曰昔我高
后成湯與爾之先祖俱定天下法則可脩舍而弗勉
何以成德乃遂涉河南治亳行湯之政然後百姓攸
寧殷道復興諸侯來朝以其遵成湯之德也

武王克商大告武成曰嗚呼群后惟先王建邦啓土公
劉克篤前烈至于太王肇基王迹王季其勤王父我

文考文王克成厥勲誕膺天命以撫方夏大邦畏其
力小邦懷其德惟九年大統未集予小子其承厥志
大宗皇帝諭群臣曰我

皇考肇造鴻業垂法萬年爲子孫計思慮至周比者建
文信任奸回悉皆更改使天下臣民無所遵法茲予
繼承天位恪遵成憲凡

皇考法別爲所更改者悉復其舊七月視朝罷以建文
多改舊制顧侍臣嘆息曰只如群臣散官一事前代
沿襲行之已久何開利害亦欲改易且陵土未乾何
忍紛紛爲此於是

天顏愴然變色既又曰民開創之主其經歷多謀慮然

每作一事必書度數日乃行亦欲子孫世守之故特
書所載後王之善必曰不愆不忘率由舊章於戒誓
後三必曰率乃祖攸行曰監于先王成憲此皆老成
之言後世輕詭譎說之徒立心不端以其私智小見
導嗣君改易禮法嗣君不明以為能而寵任之徇小人
之邪至於國弊民叛而喪其社稷者有之矣豈可不
以為戒永樂二十二年十一月

仁宗皇帝諭侍臣曰守成之主動法祖宗斯鮮過舉書
曰監于先王成憲其永無愆後世嗣位者往往作聰
明亂舊章而卒致喪敗不救可為鑒戒朕十有餘歲

太祖皇帝側親作祖訓屢更改易而後成書是時秦晉周世子皆在

太祖開殿則召太孫及諸世子于前分條逐事委曲開諭之皆持身正家以至治天下之要道為天子為藩王能每事遵守豈有不福祿永遠者朕寤寐不忘今已命司禮監刊印將賜諸子及弟姪侍臣對曰

陛下此心即

太祖皇帝之心也

按宋臣范祖禹曰自古國家之敗未有不由于孫更變祖宗之舊也創業之君其得之也難故其防患也深其慮之也遠此其立法也密後世雖有

聰明才智之君高出群臣之表然未若祖宗更事之多也夫中人之不可假以威權蓋近而易為姦之明皇不戒履霜之漸而輕變太宗之制崇寵宦者增多其員自是以後漫干國政其源一啓末流不可復塞唐室之禍基於開元書曰監于先王成憲其永無愆爲人後嗣可不念之哉祖禹之言蓋爲明皇寵用宦官一事不法祖而後世之禍卒不可收拾而至於亡甚矣天下之政不可干以中人也明矣哉

太祖高皇帝制爲祖訓諸司職掌等書內外之職井然區布不少紊亂近代以來稍漸更變其弊亦將滋

變而不可救者矣此者伏觀

明詔有曰惟正道是遵惟古訓成憲是守率

皇考未終之志擴而行之其於馬房倉庫各門添設管
事并各處添設守備等項內臣不係舊額者一體
查奏取回中外臣民惟騰交慶以為是必

上天之靈

高廟之冲有以啓發

帝心而除此數十年防民蠹財之弊也雖然常情銳于

前者忘其怯于後喜于始者患其改于終臣願

陛下持此心以攬乾綱之捷揭日月之明不沮於浮言

不惑於便佞不奪於督撫之私而盡復乎

祖宗之舊臣恐添設之官不止於此而已也惟
陛下處之以道汰之以方而使之各解其權各安其職
乃爲上也

敬天

唐堯命羲和欽若昊天曆象日月星辰敬授人時帝曰
咨四岳湯湯洪水方割蕩蕩懷山襄陵浩浩滔天下
民其咨有能俾乂

舜在璿璣玉衡以齊七政

禹曰予創若時娶于塗山辛壬癸甲啓呱呱而泣予弗子
惟荒度土功

成湯時大旱之年太史占之曰當以人禱湯曰吾所爲

請雨者民也若必以人禱吾請自當遂剪爪斷髮素
車白馬身嬰白茅以身爲犧牲禱於桑林之野以六
事自責曰政不節歟民失職歟宮室崇歟女謁威歟
苞苴行歟讒夫昌歟何不雨之極也言未已大雨方
數千里

大戊時亳有祥桑穀共生于朝七日大拱大戊懼其相
伊陟曰天不勝德君之政其闕歟君其脩德大戊脩
先王之政明養老之禮早朝晏退問疾弔喪三日而
桑柞死

文王即位之八年六月寢疾五日而地動東西南北不
出國有司曰地之動爲人主也群臣皆恐請與事動

衆增國域以移之文王曰天之見妖以罰有罪我必
有罪天以罰我請改行其可免乎於是謹其禮秩皮
革以交諸侯飾其辭令幣帛以禮俊士頒其爵列等
級以賞有功無發疾止

太祖謂中書省臣曰近京師大四方水旱相仍朕夙夜
不遑寧處豈刑罰失中武事未息徭役屢興賦歛不
時以致陰陽乖戾而然邪卿等同國休戚宜輔朕脩
省以消天譴叅政傅獻等對曰古人有言天心仁愛
人君則必出災異以譴告之使知變自省人君遇災
而能自警懼則天變可弭矣

陛下脩德自懲憂形于色居高聽卑天竇鑒之願臣等

侍罪宰輔有乖調燮貽憂

聖衷咎在臣等

太祖曰君臣一體苟知謹懼天心方回卿等其盡心力以匡不逮三年夏久不雨

皇后與諸妃執爨為昔日農家之食令皇太子諸王俱饋于齋所至是日四鼓

太祖素履草履徒步詣山川壇設藻席露坐晝曝于日頃刻不移夜卧于地衣不解帶

皇太子捧盥進蔬食雜麻麥菽粟凡三日既而大雨四郊霑足四年嘗謂中書省臣曰祥瑞災異皆上天垂象然人之常道聞禎祥則有驕心聞災異則有懼

心朕嘗命天下勿奏祥瑞若災異即時報聞尚慮臣
庶罔體朕心遇災異或匿而不舉或舉不以實使朕
失政謹天戒之意中書其行天下遇有災變即以實
上聞

永樂十一年春正月朔日有食之先是禮部以正旦
朝賀宴會上請

太宗皇帝曰古者日食天子素服脩政用謹天戒朕既
乖於治理上累三光而衆陽之宗薄食於元旦咎孰
甚焉爾文武群臣尚思勉輔朕躬調燮陰陽消弭災
變新正朝賀宴會之禮悉罷之十九年四月

萬壽聖節先期禮部奏行慶賀禮勅文武群臣曰比者

上天垂戒奉天等三殿災朕心兢惕寢食不寧方反躬
省愆惶惶夙夜而禮部謂朕初度請行賀禮此豈所
以相朕恭承

天意蓋益重朕之不德也其止勿賀

臣按天心仁愛人君必生災異以示儆自古帝王
之遇天變必省愆自罰側身脩德用賢以弭之而
其道愈光而治愈盛觀堯湯文之與我

祖宗可見矣伏自成化以來星辰失度山崩地震水旱
相仍妖孽迭見上天示儆久且極矣

先帝惻然而懼屢下求言之詔徧布省滌之辭彌備交
脩敬畏兩至然而天意未回災異未息者天其意

者有待於

陛下乎昔高宗彤日雉升鼎耳異亦甚矣聽於祖已克
正厥事故能嘉靖殷邦享國長久宣王之時旱魃
蘊隆災亦甚矣惻身脩德遇災而懼故能興衰撥
亂王化復行此皆以人厭天以德消變之驗也

陛下誠能反身脩德信用忠賢而以帝王

祖宗之所嚮脩為者省之於身見之於事必誠必敬以
祇奉上天如此而災異不息天變不回者臣請伏
妄言之誅

憂患

舜勃天之命惟時惟幾

大禹謨曰后克艱厥后臣克艱厥臣政乃乂黎民敏德
成湯歸自克夏至于亳誕告萬方有曰茲朕未知獲戾
于上下慄慄危懼若將隕于深淵

太祖嘗大宴群臣罷因諭之曰朕本布衣以有天下實
由天命當群雄初起所在剽掠生民惶惶不保朝夕
朕見其所為非道心嘗不然既而與諸將渡江駐兵
太平深思愛民安天下之道自是十有餘年收覽英
雄征伐四克賴諸將輔佐之功尊居天位念天下之
廣生民之衆萬機方殷朕中夜寢不安枕憂懸于心
御史中丞劉基對曰往者四方未定夢煩

聖慮今四海一家且少紓其憂

上曰堯舜聖人處無爲之世尚猶憂之矧德匪磨虞治
非雍熙天下之民方脫於創殘其得無憂乎夫處天
下者當以天下爲憂處一國者當以一國爲憂處一
家者當以一家爲憂且以一身與天下國家言之一
身小也所行不謹或至顛蹶所養不謹或生疾疾况
天下國家之重豈可頃刻而忘儆戒哉又作

祖訓曰凡古帝王以天下爲憂者惟創業之君中興之
主守成賢君能之其尋常之君將以天下爲樂則國
亡自此始何也帝王得國之初天必授于有德者若
守成之君常存敬畏以祖宗憂天下爲心則能永受
天之眷顧若生怠慢禍必加焉可不畏哉

臣按兵法曰置之死地而後生置之危地而後存
死地反生危地反存者蓋憂死亡之必至而奮求
所以生存之道也臣愚惟此二言不但可以行兵
雖天子之保天下諸侯之保國卿大夫之保家士
庶人之保身皆此道也蓋人心常生于憂患而死
于安樂心死而天下國家身有不亡者未之有也
心存而天下國家身有不安者亦未之有也考之
古夏桀殷紂周幽厲肆生存之樂故不旋踵而亡
夏少康殷太甲周宣王越句踐有死亡之憂而卒
成中興之業是以自古聖賢之君未嘗不以憚惰
荒寧爲懼勵不息自強安不忘危樂不忘戚而

天下治安也。矧今六年以來，天變日形而未止，民困日甚而未蘇。違傲日急而未息，而

陛下臨御之初，可不戰兢惕厲如履虎尾，如蹈春冰，如惴惴乃身，奮發激烈以保

大寶之位于無疆乎？

戒欲

益曰：吁！戒哉！傲戒無虞，罔失法度，罔遊于逸，罔淫于樂。任賢勿貳，去邪勿疑，疑謀勿成，百志惟熙，罔違道以干百姓之譽，罔媚百姓以從己之欲，無怠無荒，四夷

來王

禹曰：無若丹朱，傲惟慢遊，是好傲虐，是作

夏時儀狄作酒禹飲而甘之曰後世必有以酒亡其國者遂疏夷狄絕旨酒

五子歌曰訓有之內作色荒外作禽荒酣酒嗜音峻亡雕墻有一于此未或不亡

成湯不邇聲色不殖貨利

旅焚曰不役耳目百度惟貞玩人喪德玩物喪志志以道寧言以道接不作無益害有益功乃成不貴異賤用物民乃足犬馬非其土性不畜珍禽奇獸不畜于國不寶遠物則遠人格所寶惟賢則邇人安

國朝江西行省以陳友諒縷金牀進

太祖皇帝觀之謂侍臣曰此與孟昶七寶溺器何異以

一妹工巧若此其餘可知陳氏父子窮奢極靡焉
不亡即命毀之侍臣曰未富而驕未貴而侈此所以
取敗

太祖曰既富豈可驕乎既貴豈可侈乎人有驕侈之心
雖富貴豈能保乎處富貴正當抑驕奢弘儉約戒嗾
欲以厭衆心況窮天下之技巧以爲一己之奉乎甘
致亡也宜矣然此亦足以示戒覆車之轍不可蹈也
命工畫古孝行及身所經歷艱難起家戰伐之事
圖以示子孫謂侍臣曰朕家本業農祖父皆長者
承忠厚積善餘慶以及於朕今圖此者使後世觀之
知王業艱難也起居注詹同等頌旨曰

陛下昭德垂訓莫此爲切

太祖曰富貴易驕艱難易忽久遠易忘後世子孫生長深宮惟見富貴習於奢侈不知祖宗積累之難故示之以此使朝夕覽觀庶有所警也

臣按陳友諒據有楚粵用武之國席地數千里帶甲數百萬而我

太祖高皇帝以一旅之衆渡江而南與之頡頏其強弱之勢固不侔矣然而

太祖卽以興而友諒卽以亡者觀其草創之初所卧之榻卽以縷金爲之是知友諒之起其志在富貴色慾而已矣非有安天下之心也此所以爲我

太祖撫也待臣之言曰未富而驕未貴而侈此所以取
敗徒知驕侈之所以取敗而不知富貴之不可驕
侈亦非見理之言也惟我

太祖之言曰既富豈可驕乎既貴豈可侈乎人有驕侈
之心雖富貴豈能保乎處富貴正當抑驕侈弘儉
約戒嗜慾以厭衆心況窮天下之技巧以為一己
之奉乎其致亡也宜矣大哉

皇言乎其道理之腴乎其守富貴保天下之本乎又恐
後世子孫生長深宮惟見富貴習於奢侈不知祖
宗積累之難故命工畫古孝行及身所經歷艱難
起家戰伐之事為圖以示無窮其為

聖子神孫之謀遠矣

嗣統之君可不祝以為鑒哉仰惟

先帝在位十有八年抑貢獻禁奢侈不遊畋不沉湎後
宮無妃嬪之寵內苑無狗馬之娛寡慾清心始終
如一此

陛下之所親見而可以為法者也甚矣人主一心攻之
者衆或以女色或以犬馬或以盤樂或以佚遊或
以財貨或以峻宇雕牆

陛下春秋鼎盛心苟不戒一墮其域則大事去矣臣願
陛下上師帝王近法

太祖

先帝親賢人遠佞臣日多脩德進學爲務則心不外馳而百欲不能攻矣

節儉

堯居帝位薦玉以白繒茅茨不剪橡櫛不斲素題不析大路不畫越帝不緣大蔑不和棗盛不穀藜藿之羹飯於土簋飲於土釶金銀珠玉不飾錦繡文綺不展奇怪異物不視玩好之器不寶溫佚之樂不聽宮垣室屋不塋色布衣掩形鹿裘禦寒履不敝盡不更不以私曲之故害稼穡之時

禹非飲食而致孝乎鬼神惡衣服而盡美乎黻冕卑宮室而盡力乎溝洫孔子贊之曰禹吾無間然矣

伊尹作太甲曰慎乃儉德惟懷永圖

文王卑服即康功田功

太祖皇帝退朝還宮皇太子諸王侍

太祖指宮中隙地謂之曰此非不可起亭館臺榭為遊
觀之所今但令內史種蔬誠不忍傷民之財勞民之
力耳昔商紂崇飾宮室不恤人民天下怨之身死國
亡漢文帝欲作露臺而惜百金之費當時民安國富
夫奢儉不同治亂懸判爾等當記吾言常存儆戒八
年改大內宮殿謂廷臣曰唐虞之時宮室朴素後世
窮極侈麗習尚華美去古遠矣朕今所作但求安固
不事華麗凡雕飾奇巧一切不用惟朴素堅壯可傳

永久使吾後世子孫守以爲法至於臺榭範圍之作
勞民費財以事遊觀之樂朕切不爲之其勅所司如
朕之志

太宗皇帝朝退坐右順門所服裏衣袖敝垢納而後出
侍臣有贊

聖德者

上慨然嘆曰朕雖十易新衣未嘗無但自念當惜福故
每澣濯更選替

皇妣躬補緝故衣

皇考見而喜曰皇后居富貴勤儉如此正可以爲子孫
法故朕常守先訓不敢忘言已愴然侍臣頓首曰

陛下恭儉如此誠萬世之法

臣按天地生財自有成數不在官則在民在民則民富民富則君不至獨貧在官則民貧民貧則君不能獨富此必然之理也是故仁君裕民之財紓民之力而欲富其民者在於節儉而已舜禹周文暨我

太祖

太宗崇尚節儉以禮度為威以仁義為麗而存恤乎民者誠萬世之法也秦始皇隋煬帝窮奢極欲不恤乎民民日窮而國隨斃可不慎哉

帝祖萬年金鑑錄卷之上

帝祖萬年金鑑錄卷之中

勤政

禹受舜禪一饋十起以勞天下之民

湯昧爽丕顯坐以待旦

文王自朝至于日中昃不遑暇食用咸和萬民不敢盤
于遊田以庶邦惟正之供

太祖皇帝嘗謂侍臣曰朕念創業之艱難日不暇食夜
不安寢侍臣對曰

陛下日覽萬幾未免有勞

聖慮

上曰汝曹不知創業之初其功實難守成之後其事尤

難朕安敢懷宴安而忘艱難哉又謂侍臣曰前代庸君暗主莫不以垂拱無為藉口縱恣荒寧不親政事孰不知治天下者無逸然後可逸若以荒寧怠政為垂拱無為帝堯何為曰堯期倦于勤大禹何以惜寸陰文王何以日昃不食且人君日理萬幾怠心一生則庶務壅滯貽患不可勝言朕即位有年常以勸勵自勉未旦即臨朝晡時而後還宮夜卧不能安席披衣而起或仰觀天象見一星失次即為憂惕或量度民事有當連行者即次第筆記待旦發遣朕非不欲暫安但祇畏天命不敢故爾朕言及此者但恐群臣以天下無事便欲逸樂股肱既惰元首叢脞民何所

賴書云功崇惟志業廣惟勤爾群臣但能以此為勉
朕無憂矣群臣皆頓首受命

太宗皇帝遇^御右順門晚朝百官奏事畢皆趨出召六部
尚書及近臣諭曰早朝四方所奏事多君臣之間不
得盡所言午後事簡卿等所欲言可從容陳論毋以
將脯朕倦於聽納蓋朕有所欲言者亦欲及此時與
卿等計議又朕每旦四鼓以興衣冠靜坐是時神清
氣爽則思西方之事緩急之宜必得其當然後出付
所司行之朝退未嘗輒入宮中間取四方奏牘一一
省覽其有邊遠及水旱等事即付所司施行宮中事
亦多須伺外朝事畢方與處置閑暇則取經史覽閱

未嘗自敢暇逸誠慮天下之大庶務之殷豈可須臾
怠惰一怠惰則百度弛矣卿等宜體朕此意相與勤
勵無厭敷也自今凡有事當商畧者皆於晚朝來庶
得盡委曲

臣按易曰天行健君子以自強不息書曰業精于
勤而荒于嬉自古帝王未有不資于勤而能成化
功于天下者也昔宋太祖每旦朝罷登崇政殿決
事日中未食謝泌請退朝進食畢然後決事帝不
聽嘗謂近臣曰天下事日日聽斷尚恐不及唐末
諸帝多深居何邪宋太祖之行益有取法乎帝王
而其言又以懲唐末庸君之弊也至於我

太祖皇帝不惟日以勤政雖夜亦不能安枕披衣而起
仰觀星象量度民事待旦而行

太宗以早朝章奏於午朝後從容陳論不安宮闈以事
樂侯是即君子終日乾乾夕惕若之心哉而其言
曰前代庸君暗主莫不以垂拱無為藉口縱恣荒
寧不親政事孰不知治天下者無逸然後可逸若
以荒寧怠政為垂拱無為帝舜何為曰耄期倦于
勤大禹何以惜寸陰文王何以日昃不食至哉
皇言乎斯言也足以破盡萬世庸君暗主之蔽而不惑
於左右邪慝諂違君之惡之言也臣惟近年以
來

皇上早朝之後即居深宮不出

先帝雖或宣召大臣論決朝政然亦罕見臣顏

陛下以

祖宗爲法以近年爲戒時接大臣咨圖治理凡有章奏

即便省覽凡有政事即便施行天下幸甚

仁民

堯存心於天下加志於窮民痛百姓之罹罪憂衆生之不遂也有一民饑則曰我饑之也有一民寒則曰我寒之也一民有罪則曰我陷之也故不賞而民勸不罰而民治

舜命三后恤功于民伯夷降典折民于刑禹平水土主

名山川稷降播種農殖嘉穀三后成功惟殷于民
禹思天下有溺者猶已溺之也治水九年於外三過其
門而不入

文王懷保小民惠鮮鰥寡老而無妻曰鰥老而無夫曰
寡老而無子曰獨幼而無父曰孤此四者天下之窮
民而無告者也文王發政施仁必先斯四者嘗爲池沼
掘得死人之骨文王曰葬之吏曰此無主矣文王曰
有天下者天下之主有一國者一國之主寡人固其
主矣以衣棺更葬之天下聞之曰西伯澤及枯骨況
於人乎

太祖皇帝謂中書省臣曰中原兵難之後老稚孤貧者

多有失所宜遣人賑恤之省臣以國用不足為對
太祖皇帝曰得天下者得民心也夫老者民之父母幼
者民之子弟恤其老則天下之為子弟者悅恤其幼
則天下之為父母者悅天下之老幼咸悅其心有不
歸者寡矣苟視其困窮而不之恤民將憮然曰惡在
其為我上也故周窮乏者不患無餘財惟患無是心
能推是心何憂不足今日之務此最為先宜速行之
大將軍徐達克元都表至群臣上表稱賀禮畢侍臣
進曰

陛下不階尺土一民以定天下元主遁歸沙漠兵不躡
武跨越千古

上諭之曰朕思三代及漢唐宋歷年多者皆其祖宗仁厚結於人心植本深固人不能忘故也元自世祖混一天下寬恤愛人亦可謂有人心矣但其子孫無承藉之德不能以仁愛守之故至於此他日吾子孫能持仁厚之心守而不替社稷之福也

八年正月命中書省令天下郡縣訪窮民無告者月給以衣食無所依者給以屋舍仍諭之曰天下一家民猶一體有不獲其所者當思所以安養之昔吾在民間目擊其苦鰥寡孤獨饑寒困踣之徒常自厭生恨不即死如此者宛轉於溝壑可坐而待也吾亂離遇此心常惻然故躬提師旅誓清四海以同吾一家

之安今代天理物已十餘年若天下之民有流離失
所者非惟昧朕之初志於代天之工亦不能盡也爾
等爲輔相當體朕懷不可使天下有一夫之不獲也
永樂元年河南南陽縣言本縣民多逃徙他縣賦役
無所出乞下令捕之

太宗皇帝顧謂戶部尚書郝新等曰人情懷土誰肯樂
去其鄉河南諸郡連歲水旱蝗螟饑饉相仍守令又
鮮能盡撫綏之道不得已舉家逃徙自圖存活之計
耳今其鄉曰廬生業必已廢棄歸且何依捕之徒益
困之耳所言不可聽

仁宗皇帝爲皇太子時自南京過山東境內遇民饑即

令布政司發粟賑之及入見以聞

太宗皇帝曰正是昔范仲淹之子猶能舉麥舟濟其父之故舊况百姓吾赤子乎

臣叔書曰民惟邦本又曰可畏非民后非衆罔與守邦欽哉慎乃有位敬脩其可願四海困窮天祿永終竊惟君至尊也民至卑也君之於民得生殺之民之於君惟敬憚之是可畏者在君而曰可畏非民者何哉君辟則舟也民辟則水也水能載舟亦能覆舟其不真可畏邪人君真知民之可畏則思所以保之者當無所不至矣夫抵人君之政其端不一而其大要急務在於蕃民之生節民之力

阜民之財恤民之惠而已然其所以蓄之節之阜
之恤之之道豈能家至而人喻之哉亦在乎省刑
罰薄稅斂省力役罷橫征而已然則國用不足奈
何罷工作縮浮費汰冗官節倖賞而國用不足者
未之有也端在人君一心念慮之仁幹旋之智而
決斷之勇也在易剝之象曰山附于地剝上以厚
下安宅益之象曰益損上益下民說無疆今上之
能節用如此則民生寧有不厚民力寧有不紓而
四海之所以仰戴豈不如赤子之于父母也哉今
四海之民財力亦窮

京師之民惟甚困于勲戚庄田之侵廢于內外調

庸之後眼中室廬進亡過半矣世無鄭俠無敢即
其情狀作為畫圖以獻于上

朝廷其何以知之然竊惟

陛下誠不可不為邦本之憂速改罷民之轍臣伏讀
太祖皇帝免天下秋糧詔有曰於戲欲消愆而弭禍非
致吾民於仁壽之鄉將何以荅天心之永願至哉
皇言也況今二天變日形必有其應臣願

陛下以之為法

命官

舜詢于四岳開四門明四目達四聰咨禹汝平水土惟
時懋哉帝曰棄黎民阻饑汝后援播時百穀帝曰契

百姓不親五品不遜汝作司徒敬敷五教在寬帝曰
皋陶蠻夷猾夏寇賊姦宄汝作士五刑有服五服三
就五流有宅五宅三居惟明克允咨岳汝共工咨益
汝作朕虞咨伯汝作秩宗夙夜惟寅直哉惟清帝曰
夔命汝典宗敎冑子直而溫寬而栗剛而無虐簡而
無傲帝曰龍朕聖讒說殄行震驚朕師命汝作納言
夙夜出納朕命惟允帝曰咨汝二十有二人欽哉惟
時亮之工

高宗相傳說命之曰朝夕納誨以輔台德若金用汝作
礪若濟巨川用汝作舟楫若歲大旱用汝作霖雨啓
乃心沃後心

太祖以李中道唐同爲吏部尚書諭之曰吏部者衡鑑
之司鑑明則物之妍媸無所遁衡平則物之輕重得
其當蓋政事之得失在庶官任官之賢否由吏部任
得其人則政理民安任非其人則官曠職卿等忌持
衡秉鑑之任宜在公平以辨別賢否毋但庸庸碌碌
充位而已洪武十年置通政使司掌出納諸司文書
敷奏封駁之事時官制初立

太祖重其任頗難其人刑部主事曹秉正新擢陝西參
政未行

太祖遂命秉正爲通政使以應天府尹劉仁爲右通政
諭之曰壅蔽於言者禍亂之萌專恣於事者權姦之

漸故必有喉舌之司以通上下之情以達天下之政
昔者虞之納言唐之門下省皆其職也今以是職命
卿等官以通政為名政猶水也欲其常通無壅遏之
患卿其審命令以正百司達幽隱以通庶務當執奏
者勿忌避當駁止者勿阿隨當敷陳者無隱蔽當引
見者無留難毋巧言以取容毋苛察以邀功毋讒間
以欺國公清直亮以最厥心庶不負委任之意

祖訓曰人之姦良固為難識惟授之以職使臨事試
之勤比較而謹察之姦良見矣若知其良而不能用
知其姦而不能去則誤國自此始矣歷代多因姑息
以致姦人惑侮當未知之初一察委用既識其姦退

亦何難慎勿姑息

太宗皇帝謂吏部尚書塞義左都御史陳瑛等曰為國牧民莫切於守令守令賢則一郡一邑之民有所恃而不行其所者寡矣如其不賢當速去之蓋吏部選授出一時倉猝未能悉其才行考察所行乃月以否其令巡按監察御史及按察司九府州縣官到任半歲之上者察其能否庶貪之竇具奏

臣按周書武成建官惟賢蒞事惟能甚矣賢與能未易知也孟子曰左右皆曰賢未可也諸大夫皆曰賢未可也國人皆曰賢然後察之見賢焉然後用之宋儒朱熹又從而釋之曰左右近臣其言固

未可也諸大夫之言宜可信矣然猶恐其蔽於私也至於國人則其論公矣然猶必察之者蓋人有同俗而為衆所悅者有特立而為俗所憎者故必自察之而親見其賢否之實然後從而用舍之則於賢者知之具任之重而不才者不得以幸選矣此古之帝王用人必咨四岳惟於輿論而我祖宗之任銓選之臣按部之吏必精必慎恐不得人無以立天下之賢才尤必諄諄告戒令其訪察訪得實才而用之既得實才則信之必篤任之必專如堯之於舜授以天下而不為泰如湯之於伊尹文王之於太公尊師尚父而不以為卑然後得盡其

才能致其治後世人君不明治官無法公選不行
然後競趨倖進者往往分據要途賢者退處幕門
而不用於是魏唐以來庸君具臣制為身言書判
之選歷仕資格之選前臣薛牧聞之明而胡公真
德秀等論之詳矣不可用也臣不知

陛下今日之用人也果由于

聖斷乎果出于公論乎抑有出于左右近臣之夤緣希
旨者乎賢才者國家之利器而政事之得失國運之污
隆繫焉君子用則治小人用則亂君子者為公而
不為私故雖進而易退小人者無所不為務私其
身而其求進也亦何所不至哉臣愚以謂用人之

際必博詢公選而主上不得以好惡間其中焉上
也不然斷自

聖衷猶之可也苟或一徇左右之言則請社公行賢否
倒置而天下之患有不可勝言者矣

求賢

舜曰咨四岳有能奮庸熙帝之載使宅百揆亮采惠疇
食曰伯禹作司空帝曰俞帝曰疇若予工食曰禹哉
帝曰俞帝曰疇若予工草木鳥獸食曰益哉帝曰
俞帝曰咨四岳有能典朕三禮食曰伯夷帝曰俞
湯時伊尹耕于有莘之野湯使人以幣聘之葛蕢然曰
我何以湯之聘幣為哉我豈若處試畝之中由是以

樂堯舜之道哉湯三使往聘之既而幡然改曰與我
共試畝之中凶是以樂堯舜之道共豈若使是君爲
堯舜之君哉吾豈若使是民爲堯舜之民哉吾豈若
於吾親見之哉

高宗立思復興殷而未得其佐乃恭默思道夢帝之
良弼高宗以夢所見視群臣皆非也乃使工畫其像
徧求於天下得說於傅巖是時說操版築既至高宗
曰是也遂以爲相與論治道殷國大治

文王初爲西伯將出獵卜之曰非龍非麋非熊非羆非
虎非猨所獲霸王之輔於是遇太公於渭水之陽與
語大說曰自吾先君太公以當有聖人適周周因以

興不真是邪吾太公望子矣故號曰太公望載與
俱歸五為師

太祖皇帝曰世有賢才國之寶也古之聖王恒汲汲於
求賢若高宗之於傳說文王之於呂尚二君豈其智
之不足也而遑遑於所築鼓刀之徒蓋賢才不備不
足以為治鴻鵠之能遠舉者為其有羽翼也蛟龍之
能騰躍者為其有鱗鬣也人君之能致治者為其有
賢人而為之輔也今山林之士豈無德行文藝之足
稱者宜令有司採舉備禮遣送至京朕將任用之以
圖至治洪武十九年詔舉經明行脩諫達時務之士
年七十以下者郡縣禮送京師

太祖諭禮部郎中鄭居貞曰古之老者雖不任以政至
於咨詢謀謨則老者閱歷多而聞見廣達於人情周
於物理有可資者居貞對曰人至六十精力漸耗則
不能辦事請六十以上者不遣

太祖曰正為此來有司不體朕意士有耆年便引口問
豈知老成古之所重文王用呂尚而興穆公不聽蹇
叔而敗伏乞雖老猶足濟經豈可棄以老而棄之也
若年六十以上七十以下者當置翰林以備顧問四
十以上六十以下者則於六部及布政司按察司用
之

仁宗皇帝即位之初命吏部在京七品在外五品以

上之官及知縣於五品以下見仕官及軍民中訪舉
德性淳篤行止端方或才能出眾政績顯著或文學
有稱識見優遠者量材擢用若有蔽賢及濫舉者論
罪如律所舉之人後犯贓罪舉者連坐曰朝野比年
數下詔舉賢而奉行者率多徇私背公或以賄賂舉
或以親故舉所得實用十不三四政事何由而理生
民何由而安自今必嚴舉主連坐之法庶得實

臣於我朝

祖宗簡賢黜治之法其正途有二曰特舉曰歲貢而途
之外或經明行脩練達時務之士或德性淳篤行
止端方之人又詔郡縣選舉禮送至京量材擢用

職任之間或有材能出衆政績顯著或文學有稱
識見優遠者又命吏部令在京七品在外五品以
上文官及知縣引舉於上不次起遷其求賢之心
可謂勤矣進賢之法可謂善矣而卒未聞田中之舉
而得非常之賢而近代儒者如吳汝弼陳憲公之流
卒不能致之於位豈天下之大果無真賢而天下
之賢果真不欲仕耶其求之也患不精而處之也
慮欠當爾臣願

陛下以舜之所以咨四岳以湯之所以聘伊尹高宗之
所以求傅說文王之所以載太公爲心

太祖之所以命吏部諭鄭居正之言爲法而不使讒忌

考好乎其間不使近習之與乎其事則天下之賢
皆連茹接踵而出願仕於

天子之廷矣自古賢才不惜用於他代況哉

祖宗列聖作養薰陶百三四十一年之久豈無賢一足惠

哉

崇儒

商成湯之於伊尹學焉而後臣之故不勞而王

周禮以九兩繫邦國之民三曰師以賢得民四曰

儒得民八曰及以任得民

大司徒以本俗六安萬民四曰隳師儒五曰聯朋友

太祖皇帝諭中書省臣曰治國之要教化爲先教化之

道學校爲太京師雖有太學而天下學校未興宜令
郡縣皆立學禮賢師儒教授生徒以講聖道使六日
漸月化以復先王之舊以革汚染之習此最急務當
速行之

太祖皇帝親禮儒臣嘗與學士宋濂飲強之醉亦如
赭行不成步

上歡笑親御翰墨賦楚辭一章以賜仍命侍臣咸賦辭
學士歌且曰俾後世知朕君臣同樂若此也上露降
上召濂賜坐

上躬執金杓煑湯于鼎以耳露投之手注于卮以賜濂
曰此和氣所疑能愈疾乎故與卿共之耳

太宗皇帝視學先是勅禮部臣曰朕惟孔子爲師帝王爲主生民之主孔子立生民之道三綱五常之理治天下之大經大法皆孔子明之以教萬民朕

皇考太祖高皇帝膺君師億兆之任正中夏文明之統復衣冠禮樂之舊渡江之初首建學校親祀孔子御筵講書守帝王之心法繼聖賢之道學集其大成以臻至治朕承鴻業惟成憲是遵今當躬詣太廟一拜奠先師以稱崇儒重道之意其合行禮儀禮部謹議以聞禮部尚書鄭賜言宋制謁孔子服靴袍再拜禮太子曰見先師禮不可簡必服皮弁行四拜禮

臣按葉時曰師者所以宗主名教者也儒者所以

次持以教者也師道不立則天下無善人儒道不立則天下無正學雖有土地富貴治利族任下所恃以相繫雖有宮室墳墓兄弟朋友何所恃以相聯甚矣天下一日不可無師儒之功也昔哉三乎我

朝立教設科身尚經術可謂善矣但近來學者多務割

竊經義以畱進取一耳性命以飾儒紳而於明善

誠身之學縣乎未聞足以患得患失惟保官貴以

私其家不肯建功立業務致其身以忠於國是蓋

有儒之名而無其實有師之教而無其功者也惟

陛下有以革之擇師儒之官必得人如胡瑗教

化其鑑衡之選必得如歐陽脩者以

則

士皆務實用以為學本義理以為文不至徒綴雕鏤之空言而為筌蹄之虛器則理學日明其儒華出矣其有德備於身學通乎古有非科目之可鉤致者所宜以禮聘之上與科目之英列侍從之職拜師傅之官如成湯之於伊尹學焉而後臣之如太祖之於宋濂親狎而忘其勢朝夕相與講明義理而寬治功而心不役于女色狗馬貨利遊畋之心則聖心清明聖躬康泰聖學臻宗聖德深厚而天下受儒者之惠矣然自古人君如親權儒臣者多沮于近世之人惑于壬倭之口觀唐宦者之教其徒曰天

予勿令其近儒生近儒生則我輩疎矣吳主休嘉
讀書欲與祭酒常昭博士盛冲諱論偉臣張，恐
其入侍陰言已還固諫止之以是知近習與之
臣惟知怙寵以濟一己之私不知愛君而爲天下
之計其罪不可掩矣然其言不過曰恐防，而
已親禮儒臣正所以講明政事豈反相防哉惟
聖明之君英詔之主則不爲所惑矣爲張布仇士良之
主者卒墮其術而終身不悞不亦可悲乎

求言

舜謂禹曰予違汝弼汝無面從退有後言

禹即天子位懸鐘鼓馨鐸以待四方之士

唐曰：我寡人以道擊賊，討以義者，擊鍾告。

孫 升

鐸語以憂者擊磬，有狐訟者搖鈴。

太甲語伊尹曰：既往背師保之訓，弗克于厥初，尚賴匡救之德，圖惟厥終。

高宗命傅說曰：旨哉說之言，惟服乃不良，于言予罔聞于行。

太祖皇帝告諭中外，凡軍民利病，許諸人直言。洪武九年，詔曰：邇來欽天監報五星素度，日月相刑，於是靜居日省，皆古人乾道變化，殃咎在乎人事。思至此，惶惶無措手足，惟詔告臣民，許言朕過於私，於斯之道，惟忠者仁人之心，能鑑朕之不德，假公營私。

者又非賢人君子

又襄諭山東承宣布政使吳印詔有曰俄者天變於上致心惶惶於是詔告臣民許言朕過詔令既行布滿天下中外寂然無有言者獨鄉教露肝膽備陳國事雖的否中半豈不盡已之謂忠哉所言忠言而時施行其餘未至者極且勿論朕以至意諭卿若日夜如斯爲國爲民則神天必爲

臣按書胤征曰每歲孟春道人以木鐸徇一道路官師相規工執藝事以諫其或不恭相有常刑于此觀之可見古昔帝王之爲治也誠然求誨于其下非但朝廷之上賴之臣以時納

規

諫而已至於天下官師之職工藝之微
使宣金之官振木鐸徇于道路而求諫焉其或不
諫者以為不恭而罪之刑是以當時臣下知無不
言言無不盡而人君無過舉之非天下常以治之
澤也

高皇帝大誥天下凡民利病許諸人直言無隱其曰
諸人者盡天下之人又非特官師工藝而已其即
帝王求諫拳拳之心哉然此其常也至於因以求
言而臣有言者即賜采納是者施行非者置而勿
咎又下溫存之詔以嘉獎之則人孰不盡言乎上
武比者側聞

陛下遇災亦嘗屢下求言之詔矣其亦帝王

祖宗之盛心然則忠言謏論尚未聞而政失時弊尚未

救者臣願

陛下盡求言之實耳勿徇其名也

納諫

禹聞謏言則拜皋陶曰朕言惠可底行禹曰俞乃言底
可績

成湯從諫弗咈先民時老

太祖皇帝親事東閣時天熱坐久汗濕衣左右更衣以

進皆經澣濯者叅軍宋思顏曰臣見

主上躬行節儉舊衣皆澣濯也進禹之惡衣

加矣真可以示法於子也臣恐

主上今日如此而後或不然願始終如此

太祖喜曰思顏之言甚善他人能言或惟及目前而不能及於久遠或能及於已然而不能及於將來今思顏見我能行於前而慮我不能行於後信能盡忠於我也乃賜之幣以彰其直復於思顏曰汝在前朝頗有善譽為主者不能知汝及歸于我數進謹言前固可嘉思顏又曰近旬容有虎為害

主上既遣人捕獲之今養養民間餌之以犬無虞

太祖欣然即命取二虎并一熊皆殺之分其肉賜百官

刑部主事茹太素以五事上言其書壹萬柒千字

彥命中書印中王敏立而誦之至字陸千參伯柒拾乃
云才能之大數年以來存者百無一二不過應答辦
集又云所仕者多半迂儒俗吏言及至斯未覩五事
賢蹟數其妄言召而扑之次日深夜中

帝卧榻上令人誦其言直至壹萬陸千伍佰字後方有
五事實蹟

帝聽至斯知五事之中四事可行當日早朝勅中書齊
府御史臺著蹟以行而曰吁難哉古今上言代言者
未嘗不爲國爲民而爲君而言者雖有善人以難故
要其名者亦甚不多今朕厭聽繁文而欲所忠臣是
朕之過臣可謂之忠矣嗚呼爲臣之不易至

哉

臣按人君求言非難聽言為難聽言非難而用言
為難也且夫人臣進言于君必有以拂其君心之
欲必有以發其憮人之奸君拂其心必不悅而憮
人又乘其間而中之以濟其所不懌而君之怒生
焉言者中其怒而能保其身者鮮矣是故忠臣不
爭而遇昏庸之主其言適足以殺身而庸君不幸
不聞忠謹之言其蔽適足以亡國是以君臣相過
自古為難何也知無不言言無不盡者臣之忠也
納諫如流從善無悔者君之聖也非君之聖無以
納臣之忠非臣之忠無以俾君之聖君聖臣忠而

檢人者亦不可以不深察而預防之也昔唐憲宗
謂李絳曰此諫官多朋黨論奏不實皆陷誘訕欲
黜其尤者若何絳曰此非陛下意必檢人以訾
誤上心自古納諫者昌拒諫者亡夫人臣進言於
上豈易哉君尊如天臣卑如地如有雷霆之威彼
盡度夜思始欲陳十事俄而去五六及將以聞則
又憚而削其半故上聞者纔十二耳何哉予不測
之禍顧身不利耳雖聞納獎勵尚恐不至人乃欲
譴訶之使貞士杜口非社稷利也帝曰非卿言我
不知諫之益李絳此言不惟有以破檢人之謀又
有以使其君知諫臣之難也然憲宗亦八之令王

後人雖以中之而卒不行而又知諫之然其視
懷諫縱然嬰邪棄正以自取滅亡者豈不入相途
哉竊惟比者言官多事緘默以保身位不肯盡言
予上者多以不察聽納萬一忤者一遣貶斥即遠
清光雖蒙矜宥或致起遷然卒終於外補善內懼
外人情之常此豈非所以善誘臣下之言以臻至
治者也臣願

陛下以帝王

祖宗為法以杜稷生民為念取近者大小群臣旁疏親

加

廣覽有關時政者即賜未行有裨

聖躬者即湯德艾進言之臣有能不避權貴者即賜旌
嘉忠讓之六有經斥調者即賜召用如是則臣下
庶肯盡言而

陛下棄於從諫而昭復
祖宗顯德於無疆也

帝祖萬年金鑑錄卷之中

帝祖萬正金鑑錄表之下

禮樂

唐堯色尚白薦玉以白繒命夔歌山嶽之音以歌
以樂格置缶而鼓之拊石擊石以象上帝玉磬之音
以致舞狀辨五絃之變為十五絃命曰大章以祭上
帝而天下太和

舜陟帝位輯五瑞觀四岳群牧頒瑞于群后協時月正
日同律度量衡修五禮五玉三帛二圭一珪謂禹
曰予欲觀古人之象日月星辰山龍華蟲作會宗彝
藻火粉米黼黻絺繡以五采彰施于五色作服汝明
予欲聞六律五聲八音在治忽以出納五言汝聽

為以建寅為正月色尚黑其社用松牲用玄以黑為徽
號朝燕服社冠而黑衣十寸為尺作樂曰六夏皋陶
為夏籥九成以昭其功以五音聽治

湯以建丑為正月變服殊號一文一質示不和以易民
視聽色尚白其社用柏梓樹松牲用白以白為徽號
朝燕服昂冠而編衣十二寸為尺命伊尹作樂曰大
護脩九招六列以見其善

武王既克殷桀于上帝祈于社朝成湯之廟乃出設奠
於社室以玉瑞自六王與故造五父王季文王祀
先公以天子之禮故建子為正月以垂三統色尚赤
其社用栗梓樹栢梓用騂以赤為徽號朝燕服冕而

玄衣八寸為尺其襟大武

太祖皇帝謂尚書牛弘曰禮者國之防範人道之紀綱

朝廷所當先務不可一日無也自元氏廢棄禮教因

循百年而中國之禮變易幾盡朕即位以來夙夜不忘

思有以振舉之以洗汚染之習故嘗命爾禮部定著

禮儀今雖已成宜更與諸儒參詳考議斟酌先王之

典以復中國之舊務合人情永為定式庶幾朕心

也禮部奏定百官常朝班次及奏事等禮儀

太祖皇帝謂中書省臣曰朝廷之禮所以辨上下正名

分不以賤加貴不以卑為尊百官在列班序有倫奏

對雍容不失其度非惟朝廷之尊抑亦天下四方瞻

仰所在也。今文武百官朝參奏事有未閑禮儀者是
禮法不嚴於殿陛何以肅朝廷乎。自今九卿百官及
諸武臣於禮儀有不閑習者令侍儀司官日於午門
外演習之。且命御史二人監視有不如儀者糾舉之。
百官入朝失儀者亦糾舉如律。武四年六月吏部
尚書陶凱奏宴享元奏樂章成其曲一曰本太初二
曰似大頤三曰民初生四曰品物亨五曰御六龍六
曰泰階平七曰君德成八曰聖道成九曰樂清寧。先是
太祖皇帝厭前代樂章率用詩詞以爲容悅甚者鄙陋
不稱乃命凱等更創其辭至是上之命協音律者歌
之謂侍臣曰禮以迎敬樂以宣和不敬不和何以爲

治元時古樂俱廢惟漁詞豔曲更唱迭和又倭胡虜
之聲與正音相雜者以古先帝三祀與神祇歸焉
舞隊諧戲殿廷殊非所以通于和崇治體也今所製樂
章頗協音律有和平廣大之意自今一切流俗譚說
淫蕩之樂悉屏去之

臣按周禮大司徒以五禮防民之偽而教之中以六
樂防萬民之情而教之和是故先王之制禮也以
節事脩慈也以道志故觀其禮樂而治亂可知矣
近者風俗上驕下驕而禮日以壞詞淫音哇而樂
日以崩僧分踰閑縱欲敗度恐非安上治民移風
易俗之道也惟

陛下其寃心焉

賞罰

終罰弗及嗣賞延于世

文王罪人不孥官人以世

太祖皇帝作祖訓曰聽訟要明不明則刑罰不中罪加

良善久則天必怒惡賞功要當不當則人心不服久

則禍必至焉嘗封右丞相薛顯為永成侯賜文綺及

帛六十疋俾居海南時顯有專赦之罪

太祖召諸將臣諭之曰自古帝王有天下必爵賞以酬

功刑罰以懲惡故德以下相安以致治也朕懷古帝

王以制爵命卿等明聽朕言昔漢高祖非有功不侯

所以立封爵也而功臣不免於誅戮侯君集有功於
唐犯法當誅太宗欲宥之而執法者不可卒以見誅
非高祖太宗忘功臣之勞也以其恃功驕恣自冒于
法耳今右丞薛顯始自貽貽來歸朕撫之厚而待之
至惟朕心以任之及其從朕征討皆著奇績自後破
慶陽追王保保取賀宗哲其勇略意氣迥出衆中可
謂奇男子也朕甚嘉之然其爲性剛忍朕屢戒飭終
不能悛至於妄殺胥吏殺殺醫殺火者及殺馬軍此
罪難恕而又殺天長衛千戶吳富此尤不可恕也富
自幼從朕有功朕顯因判其所獲慈善殺而奪之
師還之日富妻子服袞經伺之於途牽衣哭罵且訴

究於朕朕欲加以極刑恐人言天下甫定即殺將帥
以宥之則富死何辜今仍論功封以侯爵謫居海南
其祿為三一以贍富之家一以贍所殺馬軍之家
一以養其老母妻子庶幾功過不相訖而國法不廢
也若顯所為卿等宜以為戒諸將臣皆頌首

永樂二年十一月刑部尚書鄭賜等奏奉天征討官有
以非輕獄者請論功定議

太宗皇帝曰朝廷大公至正之道有功則賞有過則刑
賞者治天下之大法不以功掩過不以私廢公此輩
征討之功既酬以計賞矣今犯而不罪何以治天下
其論如律

臣按刑以罰人是之為威爵以賞人是之為福威福人主之大權謂侯專之則有害於天下卿大夫專之則有害於其國至於臣既國命而害不可言矣書曰天命有德五服五章哉天討有罪五刑五用哉賞曰天命罰曰天討以見人君賞罰皆出于天而非有我之所得私也後世人主不知出此徃徃假之於人否則以己心之喜怒私意之好惡輕加賞罰于人則移人主之大權而失天命天討之旨矣何以治天下服民志哉漢宣帝勵精為治信賞必罰見於詔令者有曰有功不賞有罪不誅雖唐虞不能以化天下宋臣司馬光三上劄子於

其君奉奉以信賞必罰為言其亦有見於此也矣
惟我

太祖之行賞罰也罰必當罪賞必當功不以過掩
功不以功掩過中特權衡而已不無焉又如四時
金石之必堅必信使功者不致於怨望過者不待
以俸免天下之人孰不樂為用哉

訓兵

成王時立司馬之官設六軍之衆因井田而制軍賦池
方一里為井井十為通通十為成成方十里成十為
終終十為同同方百為甸甸方千為采采方千
里有稅有賦稅以足食賦以足兵四井為邑四邑為

丘丘十六井有戎馬一牛三四丘為甸甸六十四井
有戎馬四乘車一乘六十二甲士六人步卒七十二
人干戈備具是謂乘馬之法不復派以蒐夏蒐舍以
苗秋治兵以獮冬大閱以時皆於農隙以講武事焉
比年簡車卒正三年簡徒群牧五年大簡車徒宮正
掌王宮之戒令糾禁以時比宮中之官府以舍之衆
寡為之戒以待夕擊柝而比之國有故則舍其宿其
比亦如之雖內外而時禁稽其功過以其德行幾其
比人均其稍食歲終則會與其奇邪之民會其什伍
而教之道藝月終則會其行事宮伯掌王宮之士庶
子弟在板者掌其政令行其秩叙作其徒役之事授

八歲八命之職事若邦有大事作宮衆則金之月終
則均秩終則於叙以時頒其衣裘膏其誅賞

六祖皇帝將經理淮甸既聞試將士命鎮撫居明率軍
士分隊習戰勝者賞銀十兩其傷而不退者亦勇敢
之士賞銀有差且細治潤饌勞之仍賜傷者醫藥因
諭之曰刃不素將必致血指舟不素操必致傾溺弓
馬不素習而欲攻戰未有不敗者吾故擇汝等練之
今汝等勇健若此臨敵何憂不克爵賞富貴惟待有
功者得之顧於起居注唐司空曰士不貴多而貴精
多而不精徒系行隊近聞軍中募兵多冗濫者吾特
為戒之冀得精銳庶幾有用也

太祖與劉基論用兵曰克敵在兵而制兵在將兵無節制則將不任將非其人則兵必敗此以兩軍之間決死生成敗之際有精兵不如良將基對曰臣荷

聖上厚恩得侍左右每觀廟筭初謂未必皆然及至臨鋒破敵動若神明臣正是知任將在上將之勝不若主之勝也然臣觀

陛下常不拘古法而勝此尤所難也乃謂之曰兵者謀也因敵制勝豈必泥於古哉朕嘗觀石觀戰陳之圖閱關奇正頃刻變幻猶風雲之無常勢要在通其變耳亦何暇論古法邪

臣按宋歐陽脩言于仁宗曰自古王者之治天下

有憂勤之心而不知致理之要則心愈勞而事愈非雖有納諫之明而無力行之果斷則言愈多而聽愈惑伏思聖上所甚憂而當今所最關者不過曰無兵也無將也無財用也無守禦之策也無可任之臣也此五者陛下憂其末而臣謂今皆有之然陛下未得而用之者何哉曰朝廷有三大弊一曰不識號令二曰不明賞罰三曰不責功實三事因循于上則萬事廢壞于下竊惟脩此言雖救其若之失于當時切有倘

陛下之事不今日者也況當今天下極夫逼於饑寒利其餉而樂為兵者多矣招募一呼立至百萬何患

乎無兵天下之財半歸寵戚與夫近倖之臣借以
輸邊何所不足何患乎無財重賞之下必有勇夫
何患乎無將公舉明察河漢之士臣有將有臣何
患禦外之無其策哉誠使

陛下諸將令之發明賞罰之施賞功實之效則士皆樂
戰而不敢愛其主富皆樂助而不敢惜其財兵精
財足將臣運謀而共收勝敵之功矣雖然當時臣
下獻言于上者不過以遠患為言臣竊以為獵狁苗
貳四夷之虞聖帝以王何代無之不足以為憂也
惟憂吾之致脩于內者或未盡耳昔韓琦言於仁

宗曰今獻策陳造事者不過欲朝廷擇將帥訓士

備和戈甲營葺城隍廣蓄資糧以待患之可
勝此安邊捍寇之切務然而九人之慮皆能及
之臣切以為此待外憂而已雖漢唐全盛之時豈
能使四夷常自寬然而保不為盜者古紀綱不
立法度不分賞罰不明號令不信浮費靡節橫賜
無常務宴安之遊縱宮庭之奢靡受女謁之干
諂察近昵之僥倖此臣所謂內患也且四夷內窺
中國必觀釁而後動故外憂之起必始內難臣今
為陛下計莫若先治內患以去外憂內患既平外
憂自息譬若木之有末末未有不固而枝葉不盛
深味韓琦之言亦有切中當時之弊者亦

陛下之所宜聞也仁宗之時西寇擾攘蓋有甚于今日
者矣而真有備與珣者兩陳馭卒之末而大意略
同一不慮其無備而慮改八之不明一不慮其外
攘而慮內脩之不至以責其若仁宗果用其言卒
能削平外患奮然中興而為有宋三百年之金主
者外患不足以為隆平之累也明矣惟

陛下料度今日之政何如仁宗之時二臣之言切否當
時之弊而與機務大臣籌策訂計者初內患之
大自其大病自裁不以次脩理為外患不足慮也
失

對以苗弗率命禹但征焉乃會群后誓于師曰濟濟
有衆威服朕命蠢茲有苗寧遠不恭悔慢自賢反道
敗德君子在野小人在位民棄不保天降之咎肆予
以爾衆士衆辟伐罪惡尚一乃心力有勲既而
苗民逆命禹遂班師振旅帝乃誕敷文德舞下羽于
兩階七旬有苗落

宣王時虢荊背叛王命方叔伐之故詩人詠之曰顯允
方叔征伐殲執蠻荆來威言其嘗與北伐之功是以
蠻荆聞其名而皆來受服也

大和皇帝命徐達為征虜大將軍常遇春為征虜副將
軍率甲士二十五萬由長淮入大河北取中原命胡廷

瑞何文輝等為征南將軍率吉安廣西諸路召諸將
新之曰征伐所以奉天念平禍亂安生民故命將出
師必在得人今諸將非不健門然能持重師有紀律
戰勝攻取得為將之體者莫如大將軍達當百萬之
衆步先登摧鋒陷陣所向披靡莫如副將軍遇春
然吾不患遇春不能戰但恐其輕敵耳又曰古云將
在軍若水與者勝汝等其識之又謂達曰聞外之事
汝嘗任之而行必自山東次第進取東曰云十二
山河之地師行之際河原部伍明分數一衆心審進
退之機適變通之宜使戰必勝攻必取我虞而彼
賢則避之我賢而彼虞則擊之將者三軍之司命立威

昔月仕勢者強威立則士周命勢重則敵不敢犯否
與諸豪傑並驅觀其取敗者未有不因威不立而勢
衰也汝其慎之

太宗皇帝命以國公朱能討安南南之人皆
朕赤子今其勢如社則應汝往當如救焚拯溺不可
緩也惟黎賊父子及其同惡在所必獲其脅從及無
辜者必釋爾宜深體朕心毋養亂毋玩寇毋毀廢墓
毋害稼穡毋恣取貨財毋掠人妻女毋殺戮降附有
一於此雖有功不肯爾其慎之土酋險肆行毋貪利
輕進其愛恤以平堅利甲兵本之以敬慎載之以智
勇爾其勉之罪人既得則釋陳氏子孫之脅者立之

使撫治一方然後還師其往勉之

臣按易之師九二在師中言無咎宋儒程頤傳曰師卦惟九二一陽為衆陰行陽五居君位是其正應二乃師之主專制其事者也居下而專制其事惟在師則可自去命將關外之事得專制之在師專制而得中道於古而無咎月令曰天子乃命將帥選士勵兵簡練故傑專法有以春秋傳曰將非其人則敗使親信者則之則敗剛之不仁者衆焉則敗自古軍師之計未嘗不由擇行之不精與夫用將之不專也噫將者三軍之司命而衆之死生

存亡繫焉選之其可以不慎而用之其可以

三書然後世用將者必如舜討有苗之命禹討桀
征獯而命方叔及

太祖定中原之命徐達

太宗討安南之命來龍標之甯用之乎此治之切斯為
春秋討罪之師而行往無不戡滅而收全勝之功
矣

取夷

舜典帝曰皋陶蠻夷猾夏寇賊姦宄汝作士五刑有服
五流有宅惟明克允咨十有一曰食哉惟時柔遠
能通博施允允而難任人蠻夷率服

大禹謨益曰無怠無荒四夷來王

眞王時張孔內侵逼近京邑命尹吉甫帥師伐之故詩
人詠之曰薄伐獫狁至於大原淮南之夷爲亂乃命
召穆公往平之既平詩人美之曰江漢湯湯武夫洸
洸經營四方告成于王四方既平王國庶定時靡有
爭王心氣寧

太宗皇帝北征駐蹕上莊堡寧陽候陳慙爲前鋒遇獫
狁王也先土干率妻孥而來歸慙以其部屬入見
也先土干還望

天斯尚有懼已

太宗命稍前與語遂脩還誠惻久願來歸但爲阿魯台
等不素令罕見

陛下是天錫以再王之日也

太宗曰華夷不一家朕奉天命為天子天之所覆地之
所載皆朕亦子豈有彼此爾今順天應命來君臣相
與共享富貴勿憂也也先王于其臣嘗呼頭呼
萬歲命悉賜酒饌也先王于退朝所親曰
大明皇帝真吾主也此何適

太宗訪文武群臣曰遠人來歸宜有以旌異之其封也
先王于為忠勇王賜姓為金忠也先王于之來歸也
其賜把官罕嘗謂之還校把官都督俱賜冠帶及
時金襲衣還賜宴命金忠坐候之下伯之上御前珍
羞悉撤以賜之於是左右皆翫美

上功德之盛

上宗曰昔與厥頤列入朝上宗言胡越一家有矜大自得之意朕所不取惟天下之人行逆其生邊境無虞兵甲不用斯朕志也

臣按禦戎之道古未有見其善者也莽臣嚴尤為周得中策漢所下策秦無策馮異既又以為周得上策秦得中策漢下策矣二說不同而後世未有折中焉大抵禦狄來侵從而禦之止之出境不從窮追者周之勞民勤衆築塞長城以設險守國之義者秦也或議婚輸幣以結和或窮兵黷武以遂忿者漢也以此觀之則二子之議可不辯而自明

矣宋臣范仲淹亦陳和守攻備四策于時而說者
又以戰守和三策隨敵之強弱廣實順逆以制之
然皆未免其卑有如戎之成績制敵之奇功也臣
愚以為去外患者必先攻其內處患事外探者
必先務乎內脩訂也去四夷之寇易去門庭之寇難
去疥癩之疾易去腹心之疾難惟謀國者審其輕
重誠其先後察其幾而致其決及早圖之可也側
聞比年邊境之報不遇曰十百餘騎在邊行走而
已或曰百千餘騎來榆關而已未聞敵衆數萬
攻營劫寨臨陣對敵如往寇盛之時者也竊料此
必緩子之近邊者介乎兩國之間而莫適為主嘗

硯邊防之將搶擄財物以為身口之計耳必非胡
元棟類如漢之匈奴唐之突厥宋之女真而有窺
伺中國之心而肆封豕長蛇之毒也明矣如此小
寇使勤王師舉措張皇調用不給經年累月不能
班師臣恐遷延消息達彼元醜知我情實帶甲十
萬長驅而侵以窺我神器則

陛下其何以應之哉臣為

陛下籌度至老真可流涕然及乎冬加修武備強政嚴
禁去敵政奮為新舊團結人心舒食民力節縮民
財損惡還餉選仁明之將募勇敢之兵培養本根
使中國之兵有如山不動之勢如人一身元氣既

壯服心無病選用四肢何所不可用之以戰則克以守則固以和則安而不叛也應敵之策莫善於此矣敵去之後伏惟

陛下戒滿持盈蓋崇其德必如虞之無忘克而四夷來王周之明王慎德而四夷咸賓如我

太宗之德被四夷而也先來朝斯片帝王萬世繫之
上策也

內助

周太姜有呂氏之女太王妃也王太伯仲雍王季太姜
皆自順率道靡有過失太王謀事遷徙必與太姜俱
焉

大任文王之母太姒文王之妃俱有聖德故詩人美文
而推本言之曰思齊太任文王之母思媚周姜京
室之婦太姒嗣徽音則百斯男武官上有聖母所以
成之者達內有賢妃所以助之者深也

宣王姜后賢而有德王嘗早卧晏起后夫人不出于房
姜后既出乃脫簪珥待罪于永巷使其傅母通言于
王曰姜后才妾之淫心見矣至使君王失禮而晏朝
以見君王之樂色而忘德也夫可辭已必好奢好奢
必窮窮則亂者亂之所由興也原亂之興從嬖子起
敢請罪唯君王命王曰寡人不德實自過過從寡人
是亦夫人罪也遂復姜后而勤于政早朝晏退職文

武之逆興周室之業卒成中興之名爲周世宗

太祖卽位冊馬后爲孝慈高皇后因謂侍臣曰昔漢光

武勞馬后倉卒薨歿享旦粥薄饘以奉飯厚意久

不報君臣之間始終保公朕念之布同非若嘗從

朕在軍倉卒自思饑饉糠粃食飲比之眞邪未飯

其困厄甚昔唐太宗長孫皇后嘗隱太子柩隙之際

內能盡孝謙承諸妃消釋嫌猜朕歟爲郭氏所疑朕

深情不恤將士或以服罪爲歟

后后先獻郭氏慰悅其意及欲產朕后輒爲彌縫卒免

於患死又難於長孫皇后者朕或因服御詰怒小過

輒謂朕曰未忘昔日之貧賤耶朕復爲悵然家之良

妻猶國之良相豈忍忘之罷朝因以語

后后曰妾聞夫婦相保易君臣相保難且妾安敢比長

孫皇后賢但願陛下以堯舜爲法耳

后一日聞得元府庫輸其貨寶至京師問

帝曰得元府庫何物

帝曰貨寶耳

后曰元氏有是寶何以不能守而失之蓋貨財非可寶

抑帝天自可寶也

帝曰皇后之慈朕知之矣但謂以得寶爲寶耳

后即拜謝曰誠如聖言妾每見人家產潔厚則驕至時

命賄則逸生國家不同其理無二人之常情所當深

戒茲與陛下同處窮約今富貴至此恒恐驕縱生於
奢侈危亡起於忽微故世德技巧為惡國斧斤珠玉
為蕩心醜惡誠哉是言但得賢才朝夕磨汰共保天
下即大寶也願名萬世即大寶也而豈在於物乎

帝曰善嘗遇水旱歲凶

后進食必問設麥飯野蔬

帝因告以賑卹之事

后曰妾聞水旱無時賑卹之有方不如首積之先備卒
不幸有九年之水七年之旱將何法以賑之

帝深以為然一日近臣及諸執事官朝罷會食廷中
后命中官取其飲食觀嘗之滋味涼薄不旨奏

帝曰朝廷用天祿以養天下之賢故自奉欲其薄養賢
欲其豐今之與大烹者不能解其下人惟奉王者其
旨群臣飲食皆不得其味豈陛下養賢之意乎

帝曰飲食之節朕不經心將謂群臣皆得其旨豈意所
司自分厚薄想群臣欲言又難於啓齒事雖甚微所
係亦大皇后今日不言朕豈知果如此亟召光祿卿
徐興祖等切責之興祖等皆前服

帝嘗臨太學也先師孔子還

后問曰太學上幾何

帝曰數千之間悉有家乎曰亦多有之

后曰善理天下者以賢才爲本今人才衆多深足爲喜
金鑑錄

但主員廩食於太學而妻子無所仰給寧無所累於心乎

帝即命月賜祿給其家以為常

仁孝皇后徐氏嘗

太宗皇帝製義靖內難后所贊畫居多

帝正大統后正位也嘗愈益被勳勲言南北戰鬪累年
兵民俱敝宜與休息又言帝堯施仁自親族始又言
人材難得昔湯武之佐伊尹太公皆先代之人況今
日賢才皆

太祖皇帝所成望

陛下不以新舊為間

帝悉見嘉納一日

帝退朝晏

后請其故

帝曰吏部選人每循資格以今日親拔二十餘人爲右
兵爲郎守故不覺晏耳

后曰國之理亂係於民之安否民之安否係於牧守之
賢不肖否何意用資格任牧守哉往古全制有以衆
之才必有一人必之擢擢不勞之身亦有然歷之典二
者並行則必無枉才官得賢用而治效可致

帝然之

臣按三代而下漢兩都女后之賢者莫踰於馬后

唐三任平女后之賢者莫踰於長孫馬后伏波將軍援之女也無子以貴其所出長為已子實心撫有勞疾迴於所出常以皇嗣未廢每懷憂歎薦達左右若恐及後宮有違者每加慰納悉教所寵引輒增隆遇能誦易好讀春秋楚辭尤喜同官董仲舒著常衣大練裙不加緣帝嘗幸苑園縱宮后輒以風邪露露為戒辭意款備多見諱擇太子即位是為肅宗尊后為皇太后建初元年欲封爵諸舅太后不聽明年夏大旱言事者以為不封外戚之故有司因此上奏請依舊典太后詔曰凡言事者歌媚朕以要福耳昔王莽五侯同日俱封其時黃

霧四塞不聞澍雨之應又田蚡竇嬰貴寵橫恣傾
覆之患為世所傳故先帝防慎舅氏不全在振機
之位諸子之封裁令半楚淮陰諸國常謂我不不
得與先帝子等今有司奈何欲以馬氏比陰氏乎
吾為天下母而身服大練食不求甘左右但著帛
布無薰香之飾者欲身率下也以為外親見之當
傷心自勅但笑言太后素好儉前過躍龍門上見
外家問起居者車如流水馬如游龍蒼頭衣綠構
領袖正曰側侍御者不及多矣故不加譴怒但絕
歲用而已冀以默愧其心而猶懈怠無憂國忘家
之慮知臣莫若君况親屬乎吾豈可上冒先帝之

旨下虧先人之德重要西京敗亡之禍哉因不許
帝省詔悲歎復重請曰燕興舅氏之封侯猶皇子
之爲王也太后誠存謙虛奈何令臣獨不加恩三
舅乎太后報曰吾反復思之思令兩善豈徒欲獲
謙讓之名而使帝受不外施之嫌哉昔宣太后欲
封王皇后之兄丞相條侯言受高祖約無軍功非
劉氏不侯今馬氏無功於國豈得與陰郭中興之
后等邪常觀富貴之家祿位重疊猶再寶之木其
根必傷吾計之熟矣勿有疑也卒不聽文德長孫
后隋右驍衛將軍晟之女性約素服擲取給則止
喜觀書雖容飾不少廢與帝言或及天下事辭曰

北鵲司晨家之窮也可乎帝固要之訖不對太宗
一日退朝怒甚曰必欲殺此田舍翁后徐問曰為
誰曰魏徵后問起具朝服立于永巷曰妾聞君明
以直今魏徵之直實由陛下之明也妾不敢不賀
帝怒乃解后无無忌於帝本布衣交以佐命為元
功出入卧内帝將引以輔政后固謂不可乘間曰
妾托體紫宮尊首已極不願私親更據權干朝漢
之官霍可以為戒帝不聽后竊論令宗讓帝不獲
已乃聽后后見顏問屬疾猶玉太子欲請大赦況
度道人拔髮災害后曰死生有命非人力所支若
備福可延吾不為惡使為善無效我尚可求且赦

今國大事佛老異方教耳。若上所不為，豈宜以吾
寵天下法時。房玄齡小嫌就第，后曰：玄齡陛下布
衣舊非大故，不可棄妾家。以恩澤進，無德而祿，易
以取禍，無屬樞柄。以外戚兼朝請，足矣。妾生無益
于時死，不可以厚葬。又請帝納忠容，諫勿受讒省
游畋作役。死無恨。后嘗采古婦人事著女則十篇。
臣惟三代興廢罔不由於婦人，夏之興以塗山而
其亡也以妹喜，商之興也以有莘而其亡也以妲
己，周之興以太姒而其亡也以褒姒。此皆聖賢
所紀，詩書所載。匪之後世，以為永鑒者，自此以後
無足取者。惟漢明德、唐文德二后皆有后德出於

然賢之家敢疏略節于右宋室女后多賢而其最
者莫如章憲劉后以其預聞政事不可示訓不敢
具列上慶以亂我

祖宗之法其餘敗亂足以爲戒而已

已亥冬為孫鵬原注家相字廷輔號溪泉別號俱堂
敬書八十世明弘治丙辰進士歷官順天別駕理學

名儒京兆

仁孝諱循公帝祖萬年金鑑錄成功共計柒拾壹篇